

1.02 Pregledni znanstveni članek

UDK 091:728.82(497.4Tuštanj pri Moravčah)"15/17"

Prejeto: 14. 6. 2009



**Barbara Žabota**

prof. zgod. in soc., arhivistka, Zgodovinski arhiv Ljubljana, Mestni trg 27, SI-1000 Ljubljana  
e-pošta: barbara.zabota@zal-lj.si

## Listine v tuštanjskem graščinskem arhivu

### IZVLEČEK

*V sklopu arhiva graščine Tuštanj, ki ga še vedno hranijo v samem gradu, je tudi 10 pergamentnih listin, ki časovno zajemajo obdobje od sredine 16. do sredine 18. stoletja. Nanašajo se predvsem na premoženjsko-pravne posle, povezane s tuštanjskim gospodvom. V prispevku so vse listine transkribirane po modernih diplomatskih načelih s kratkimi slovenskimi regesti.*

### KLJUČNE BESEDE

*Tuštanj, arhiv, listine, diplomatika*

### ABSTRACT

#### DOCUMENTS IN THE TUŠTANJ MANOR ARCHIVES

*In the archives of the Tuštanj manor, which are still kept in the manor itself, are ten parchment deeds that comprise the period from the middle of the 16<sup>th</sup> to the middle of the 18<sup>th</sup> centuries. They refer above all to means-legal matters connected with the Tuštanj dominion. In the contribution, all documents are transcribed by modern diplomatic principles with brief Slovene indexes.*

### KEY WORDS

*Tuštanj, archives, deeds, diplomatics*

Graščina Tuštanj je svojevrsten fenomen med slovenskimi gradovi, saj za svojimi mogočnimi zidovi že stoletja uspešno hrani najrazličnejše arhivske dokumente.<sup>1</sup> Med njimi je tudi 10 reprezentančnih arhivalij, t.j. pergamentnih listin, ki zajemajo obdobje med letoma 1547 in 1718. Nanašajo se predvsem na premoženjsko-pravne posle, tako ali drugače povezane s tuštanjским gospodvom. Listine so zelo dobro ohranjene (brez mehanskih poškodb (npr. glodavci) ali poškodb zaradi vlage) in že vrsto let zaklenjene v pisalnem predalniku v jedilnici.

Število pergamentnih listin je relativno majhno. To je po eni strani presenetljivo, saj bi pričakovali,

da bo nek grajski arhiv bogatejši s tovrstnimi arhivalijami. Po drugi strani pa moramo tudi upoštevati, da je grad Tuštanj nastal v novem veku. To pa je čas, ko začne zaradi naraščanja pisarniškega poslovanja papir izpodrivati pergament. Dejansko lahko v GAT (Graščinski arhiv Tuštanj) najdemo veliko tovrstnega arhivskega gradiva na papirju, zlasti od 17. stoletja dalje, ki je izsledljivo tudi po zapuščinskih inventarjih tuštanjских graščakov. Nezanemarljivo je tudi dejstvo, da se je morda katera od listin skozi stoletja uničila ali izgubila, ali pa so katero od listin s seboj odnesli Lichtenbergi, ki so grad leta 1800 prodali.

Preglednica pergamentnih listin z gradu Tuštanj

DATUM IN KRAJ	IZSTAVITELJ	PREJEMNIK	ZAPUŠČINSKI INVENTAR 1712	ZAPUŠČINSKI INVENTAR 1757
1547, junij 1., s. l.	Barbara, vdova Jakoba Schaldermana	Jurij Schwab	x	No. 29
1577, februar 11., Ljubljana	Janez Artter iz Ljubljane	Jurij Schwab–Lichtenberg s Tuštanj	x	No. 5
1597, junij 1., Ljubljana	Ana Raumbschüssel, rojena Rain s Strmola in njen mož Hans Kristof Raumbschüssel s Kolovrata	Danijel Schwab–Lichtenberg s Tuštanj	No. 39	No. 2
1610, junij 22., Ljubljana	Janez Sonce, ljubljanski župan	Katarina Schwab, rojena Semenič	x	No. 25
1620, marec 31., Tuštanj	Volf Andrej Schwab–Lichtenberg	Franc Schwab–Lichtenberg s Tuštanj	No. 45	No. 13
1621, maj 25., Višnje	Gotfrid Gall	Franc Schwab–Lichtenberg s Tuštanj	x	No. 26
1660, maj 31., Ljubljana	Elizabeta baronica Barbo, rojena baronica Egkh	Franc Bernard Lichtenberg s Tuštanj	No. 42	No. 4
1662, januar 15., Ortnek	Janez Jurij baron Lichtenberg	Franc Bernard Lichtenberg s Tuštanj	No. 40	No. 19
1682, april 10., Bistra	Pogodba med kartuzijo Bistra in Marijo Felicito baronico Lichtenberg, rojeno Gall	kartuzija Bistra in Marija Felicita baronica Lichtenberg, rojena Gall	No. 12	No. 17
1718, januar 10., Moravče	Karel Ignac Hasiber in njegova žena Jožefa Terezija rojena Rasp	Simon Čebul (Zebull)	x	x

<sup>1</sup> O tuštanjském graščinskem arhivu glej razpravo Borisa Golca v pričujoči Kroniki.

Vseh deset ohranjenih tuštanjskih listin je prikazanih v razpredelnici. Že prvi pogled nanjo nam razkrije, da so bili prejemniki v glavnem tuštanjski graščaki, iz česar bi lahko sklepali, da so listine na Tuštanju dejansko od samega nastanka. Vendar pa nam zadnja dva stolpca razkrijeta nekaj zanimivega. V prvem stolpcu so označene listine, ki so zabeležene v zapuščinskem inventarju Ferdinanda Alberta grofa Lichtenberga iz leta 1712,<sup>2</sup> v drugem pa tiste iz zapuščinskega inventarja Jurija Ludvika grofa Lichtenberga iz 1757.<sup>3</sup> Štiri listine so takšne, ki so jih popisovalci na Tuštanju našli samo leta 1757, leta 1712 pa ne, čeprav so vse listine nastale pred 18. stoletjem. To si lahko razlagamo na dva načina – omenjene štiri listine so lahko tudi 1712 bile na Tuštanju, a jih popisovalci niso našli in jih zato niso popisali, ali pa je te listine takrat hranil nek drug Lichtenberg in so bile na Tuštanj prinesene naknadno, torej po letu 1712, ko je grad prevzel novi graščak. Vedeti moramo namreč, da Ferdinand Albert in Jurij Ludvik nista bila oče in sin, temveč stric in nečak.

Le za najmlajšo izmed listin lahko z veliko mero gotovosti trdimo, da je na Tuštanj prišla od drugod. Gre za listino, s katero sta zakonca Hasiber prodala graščinico oziroma dvor v Moravčah Simonu Čebulu. Tuštanj se v listini omenja le kot imetnik ribolovnih pravic na potoku Rača. Listina je tako verjetno postala del tuštanjkega inventarja po letu 1785, ko je dvor v Moravčah kupil Ksaver grof Lichtenberg in združil tamkajšnji arhiv s tuštanjskim.

Tuštanjске listine niso zanimive samo zaradi vsebine, temveč tudi zaradi izstaviteljev. Med njimi srečamo tako plemiče (Raumbschüssel, Lichtenberg, Gall, Barbo,) kot tudi ljubljanske meščane (Janez Artter, ljubljanski župan Janez Sonce) in kartuzijo Bistra. V dveh primerih sta izstaviteljici listin ženski (Barbara, vdova Jakoba Schaldermana, in Elizabeta baronica Barbo, rojena baronica Egkh).

Še bolj pa so listine zanimive zaradi dejstva, da so bile do sedaj zgodovinarski stroki nedostopne in zato tudi nepoznane (tako po vsebini kot po količini). Tudi zato so vse listine v prispevku transkribirane po modernih diplomatičnih načelih s kratkimi slovenskimi regesti.

## 1.

*Barbara, vdova Jakoba Schaldermana, potrjuje, da je svojemu sorodniku Juriju Schwabu in njegovim dedičem dolžna 80 goldinarjev 60 krajcarjev, ki ji jih je posodil v njeni stiski. Za ta denar mu ona nakaže eno hubo na Vrhopoljah in eno v Dolini, ki ju lahko odkupi nazaj vsako leto ob sv. Juriju.*

**1547 junij 1, s. l.**

*Orig. perg. (495 × 282 + 40 mm) v GAT.*

*Dorz. not.:* Khauf saz ist schan prief von den hueben zu Oberueldt, darauf die zaichen sizen vnd von den hueben im Thall per 80 fl. — Kaufbrief von 2 hüben zu Oberfeld und Thall, welche herrn Schwab von frau Barbara Schalderman den 17.(!) juny 1547 erkaufft hat.

*Arh. sign.:* N 4. — N° 29 (prečrtano). — N° 42 (prečrtano). — N° 161 (prečrtano). — 101.

Ich Warbara Jacobenn Schalderman salligenn verlasnne wittib bekhenn fur mich vnd all mein erben mit disem brief vor aller menigklich, wo der fur khumbt, das ich dem edlen vnd vessten Jorgen Schwaben meinem freundtlichen lieben vettern vnd allen seinen erben<sup>a</sup> recht vnnd redlich schuldig worden auch gellten soll vnnd will bennantlich achzig gulden Reinisch fur ein ieden gulden Reinisch sechzig khraizer oder funfzehen pazen zuraitten, die er mir auf mein hoch vlaissig pin zu meiner grossen augenscheÿ inger notturfft gelliehen vnnd furgeschtrekht, die ich auch an allen abganng par vnd perait in gueter lant laifiger mins aufgezelt, eingennomen vnd emphanzen zu meinen sichern handen hab fur vnd vmb solliche suma gellts der vor bennanten achzig gulden Reinisch, hab ich ime vnd allen sein erben die nachgeschtimbten guetter meins vatterliches vnd muetterlich ererbten erbthails vnd guets schtugkh guld vnd guetter saz vnd phandt wais eingesetzt: namblichen ein hueben zu Oberveld, darauf jezo sizn Michel vnd Laure, die zaichen vnd diennen zins zwo phundt phening jech phundt per achzig khraizer zuraitten habern ein star, huener zwa;

<sup>2</sup> ARS, AS 309, Zapuščinski inventar Ferdinanda Alberta grofa Lichtenberga iz leta 1712.

<sup>3</sup> ARS, AS 309, Zapuščinski inventar Jurija Ludvika grofa Lichtenberga iz leta 1757.

<sup>a</sup> Beseda je naknadno ustavljena (nadpisana).

item mer ein hueben in Thall, darauf jezo sizt Jernne Atschzebigk vnd dient zins ein phundt phening, wie gemelt paid in<sup>b</sup> phar gellegen, thuet alles in suma vier gulden Reinisch, solliche abbeschtimbte schtugkh gulds vnd gueter, auch alles vnd jedes so darzue gehorig gepaut vnd vngepauts, besezt vnd vnpesez, so hievor vermeldt oder ausgellassen vnd vbersehen war, so ich gennyesen hett mugen nichts außgenommen oder indan gesezt soll vnd mag gemelter Jorg Schwab vnd all sein erben innen habenn, nuzen vnd genniessen, schtiffen vnd schtern, auch ally bewilligte landschteur, auf sie die vnderthannen zuschlahen vnd einzunemen haben, vnd alles das handeln, thuen vnd lassen solle, als mit andern iren fraiaigen vnd verphendten guett am mein vnd aller meiner erben einred vnd indernus. Welliches jars aber ich lassung furnam vnd sunst niemandt ander eins jeden iars zu sandt Jorgen tag beuor schtet, doch das dieselbig lassung niemandt andern geschtat oder durch schein zulassen vnd ime von den guettern zutraiben oder andern vergunnen walt darin alli arglist vnd geuor außgeschlossen. Vnd wan ich solliche ablassung thuen, soll ich ime solliches ein halbs jar darfor auch sagen vnnd vierzehen tag vor oder nach sanndt Jorgen tag die vorbeschtimbte suma gellts auch mit sollichen gellt, wie ers ausgehen hatt, niderlegenn vnd außrichttenn. Doch ist klarlich außgedrugkht, das ich solliche ablassung mit khains andern gelt thuen mag dan mit mein fraÿ aigen vnd erspartten gellt. Dagegen soll er mir der guetter abtreten vnd einantwurtten. Begab sich auch, das solliche guetter durch mich vnd sunst durch niemandt andern gelost oder khunfftig aigenthumblichen verkhaufen oder versezen soll, so wie ich ime vnnd allen sein erben dieselbig guetter vnd niemandt andern versezen oder verkhaufen vnnd ime das zaitlich anzaigen. Beschach aber, das gemellter Jorg Schwab oder seine erben solliches gellts selbst notturfftig wurden, so sollen sie die aufkhindung auch ein halb jar vor thuen vnd ich pin alß dan schuldig die vorbeschtimbte suma gellts zu frist vnd zait alls abschat zuerlegenn oder so ich die zulassen nicht vermacht mag ers oder seine erben mit abgeschribnen conndicion vnd punkhtten waitter versezen. Ich vnd all mein erbenn sollen vnd wellen auch sein vnd seinen erben gedacht sacz wegen ir rechtter scherm, gewerer vnnd furschtand sein gegen menigklich inner oder ausser rechtens, so offt des nott beschicht vnnd was schadenn sie des namenn, denselbenn schadenn allenn, gellob ich innen ganzlich abzulegenn alles vnnd jedes bey verpindung des gemannenn lanndtschadennpundts inn lanndt zu Crain, alls war der von wart zu wart hierinn begriffenn stuenndt des alles treulich vnnd anngeuarde zu vrkhunndt des briefs hab ich mit vlaiß erbettenn dem edlenn vnnd vesstenn herrnn Hanns Josephenn von Egkh zu Neuwurg meinenn gunstigen herrnn, das er sein innsigell durch meiner vllaissigen pett willenn an meiner schtatt auf disenn brief geainigenn vnd verffertigt hat, doch ime vnnd allenn sein erbenn vnnd innsigel an allenn schadenn, daruntter ich mich vnnd all mein erbenn verpinndt allen abgeschribne innallt war stet vesst vnnd vnnzerprachenn zu alltenn, auch wider solliche verffertigung mit zuredenn noch zu hanndlenn in khain waiß. Beschenn denn erstenn tag junius, nach Cristÿ geburt vnnsers liebenn herrnn thaussenndt funnff hundert vnnd inn sibenn vnnd vierzigstenn jar.

En okrogel viseč grbovni pečat v črnem vosku na pergamentni vrvcici; napis: S HANS IOSEPH VON EGK ZV NEWBVRG.

## 2.

*Ljubljanski meščan Janez Artter razdeli na pet delov svojo žitno desetino, ki je fevd gospodov Gallov, v navedenih vaseh v moravški fari. Od tega dve petini obdrži sam, tretjo petino dobijo Klombnerjevi dediči, četrto Janez Durig iz Kamnika in zadnjo Jurij Schwab-Lichtenberg s Tuštanja. V zameno mu slednji preda žitno desetino od 14 hub na Klanču v smledniškem deželskem sodišču v župnji Sv. Peter (Komenda).*

*1577 februar 11, Ljubljana*

*Orig. perg. (583 × 303 + 60 mm) v GAT.*

*Dorz. not.:* Ain gwechsl brief mit Hansen Artter vmb zwen thail des zehendts zu Oberuelde.

*Arh. sign.:* N° 3 (prečrtano). — N° 5 (prečrtano). — N° 31 (prečrtano). — N° 73.

Ich Hanns Artter wonhafft zu Laybach bekhenne hiemit für mich vnnd all mein erben vor aller menigklich mit disem offnem brieff, allen dennen er zu hören oder lesen fürgebracht wirdt, das ich mit dem edlen vnnd ehrnessten herrn Geörgen Schwaben von Liechtenberg zum Tufftstain etc. vnnd allen seinen erben ainen

<sup>b</sup> *Prazen prostor (manjka beseda).*

aufrichtigen redlichen ewigen vnwiderruefflichen vnnd vnauflößlichen außwechsl aufgericht vnnd beschlossen habe, thue das auch hiemit wissenndtlich vnnd in khrafft dits brieffs also vnnd dergestalt namblich hab ich ime vnnd allen seinen erben ainen traydtzehendnt in Mareytscher pfarr vnnd Oberstainer lanndtgericht in nachvolgunden dörrfern gelegen, als zu Ober Velldt Thomasch Zaichen, Wäschtian Jagodez, Gregor vnnd Petter Lescher ain hueben, Hänsche vnnd Vrban Lescher ain hueben, Nider Tufftstain Micklau Achper, Jernei Mackouiz, Na Goritschitschÿ Marcko vnnd Caspar Khuß, Jernei Vrbania, Rudnickh Casper Vecha sambt seinen gebrüedern ain hueben, Nider Olscheuickh Wläsche vnnd Primosch Orechickh ain hueben, Jacob Veriandt, Achaz Roschitsch, Nadolly Gregor Porgar, Na Sellÿ Laure Potickhall, Na Gorizÿ Wäschtian Khlauder, Martin Phillipitsch, Na Potazÿ Petter Seriant, Na Jemenÿ Andre Stupiza ain hofstatt, welcher zehendnt in fünff taill wirdt getaillt, von dem mir obbemellten Hannsen Artter zwen taill, den Khlobnerischen erben der dritt, dem Hannsen Durig zu Stain der vierdt, vnnd obgedachtem herrn Georgen Schwaben der fünffte taill, ebenmässig allerlay zehendntliche recht gar zunemben oder zufechnen geburt, welcher von dem namen vnnd stammen der Gallen zu Ruedolffsegkh zu lehen ruertt, gegeben. Daentgegen hat vorgedachter herr Georg Schwab mir vnnd meinen erben gleichesfalls ainen traydtzehendnt am Khlaniz auf vierzehen gannzen hueben in Flednickher lanndtgericht vnnd Sanct Petter pfarr gelegen, gegeben. In welchem die nachuolgenden benanntten huebensleutt begriffen vnnd alle dem ehrwirdigen vnnd geystlichen herrn Christoffen Lackhner comentheur daselbst gehörig, auch in obgemellten dorff gesessen sein, als namblich Vrban Frätsche, Laure Sorin, Mathiasch vnnd Jacob Sorin, Marttin Tschessin, Juri Auzä, Gregor Proseckh, Markusch Schuester, herr commentheur, Martin Kheulliz, Michell Vrbäniz, Anndre Stullar, Markusch Mällez, Juri Chrästar vnnd Michell Dröscher, dauon sy allerlay groß vnnd khlain zehendntliche recht, wie die genannt werden möchten vnd von aller herkhomen, zuraichen schuldig sein, vnnd ime herrn Georgen Schwaben zwo gannze garben vnnd die dritt garben obermellten herrn commentheur daselbst zunemben gebürt, so auch von dem namen vnnd stammen der Gallen zu Ruedolffsegkh, zu lehen ruertt vnnd der zeÿt mit des edlen vnnd ehrnuessten herrn Hannsen Gallen zu Ruedolffsegkh, als rechten lehennßherrn vorwissen willen vnnd zuegeben solcher außwechsl aufgericht vnnd beschehen ist, inhält vnnd vermög mehrgedachts herrn Schwaben darübe (!) außgannzenen vnnd mir angehendigten brieffs der deßhalb alles fleiß aufgericht vnnd bekhreffigt worden. Vnnd weÿll dise zwen zehendnt järliches diennsts sich gegenainander vergleichen, so wirdt ain jeder beÿ seiner ansaag vnnd verstewerung beleiben. Demnach so nimb ich obgedachter Hannß Artter mehrgemellte zwen taill sambt den huebens verwandten vnnd allen zehendntlichen gerechtikaiten, so von aller vnnd durch recht darein vnnd darzue gehört aus mein vnnd aller meiner erben nuz vnnd gewehr, vnnd übergib dieselben mehrbemellten herrn Georgen Schwaben vnnd allen seinen erben in sein nuz vnnd gewehr inkhrafft dits brieffs, also das er vnnd all seine erben mit denselben zwaÿen taillen des vorberüerten zehendnts nun hinfüran sonnsten als mit irem rechten aigen vnnd belehendnten guett handndlen, thuen, lassen, stifften, stören, wennden, vmbkheren, wie es inen verlusst, dieselb innenhaber, nützen, geniessen, verzezen, verkauffen sollen vnnd mügen an mein, meiner erben vnnd menigklichs von vnnserntwegen irrung hindernus vnnd widersprechen. Darauf gelob vnnd versprich ich für mich vnnd meine erben je recht gewehr, schermb vnnd fürstandt zu sein, für aller rechtlicher clag vnnd ansprach, wie, wo, wann vnnd als offt inen des nott thuett. Wie solches außwechsls freÿ aigner vnnd belehendten güetter in lanndts Crain recht, sitt vnnd gewonhait ist. Alles beÿ verpindung des gemainen lanndtleüffigen schadenpundts dits fürstenthumbs Crain, als mann der von wortt zu wortt, mit allen seinen kleüsln, püncten vnnd artickhln, hierinnen verleibt stuende, treulich, ehrbarlich vnnd an alles gefärde. Des zu waren vrkhundt hab ich disen außwechslbriefff mit meinen angebornen anhanggunden petschadt vnnd aigner hierundtergestellten handschrift verfertigt vnnd darzue mit sonndern fleiß erbetten den edlen vnnd ehrnuessten herrn Adamen Moschon pfanndinnhaber der herrschafft Reÿffniz, meinen sonnders lieben herrn vnnd freundt, das er neben meinen petschadt sein aigen insigl hierangehangen, doch ime, seinen erben vnnd ferttigung, an allen nachtl vnnd schaden, darundter ich mich vnnd alle meine erben verpinde, allen obbegriffnen inhält dits brieffs warr vesst stätt vnnd vnzerprochen zuhallten. Der geben vnnd beschehen ist zu Laybach, den aindlefft tag monnats februarÿ, nach Christi vnnsers lieben herrn vnnd säligenachters gepurdt, im ain tausentt fünffhundert vnnd im sybenundsÿbenzigisten jare.

Hannß Artter mp

Dva viseča pečata na pergamentnem traku: 1) okrogel grbovni pečat v črnem vosku; napis: HA. — 2) okrogel grbovni pečat v rdečem vosku; napis: S ADAM MOSCHAN.



## 3.

*Ana Raumbeschüssel s Kolovrata, rojena pl. Rain s Strmola, je bila pred časom zastavila tri hube "Na Panze" v ljubljanski fari, ki jih je podedovala od očeta Jurija Sigmunda Raina, Jerneju Poschu z Begunj. Ana je nato omenjene hube odkupila nazaj od skrbnika Poschevega sina, Jurija Khisla, zdaj pa jih skupaj z možem Janezom Kristofom Raumbeschüsslom s Kolovrata, prodata Danijelu Schwab-Lichtenbergu s Tuštanja.*

1597 junij 1, Ljubljana

*Orig. perg.* (710 × 366 + 104 mm) v GAT.

*Dorz. not.:* Khauff brieff vonn frauen Anna Raimbschislin zu Khollobrath wegen dreÿ hueben zu Panz ausgehendt.

*Arh. sign.:* N° 2 (prečrtano). — N° 32 (prečrtano). — N° 39 (prečrtano). — N° 39 (prečrtano!). — N° 68.

Ich Anna Rämbschisslin zu Khollobrat ein geborne von Rain zum Stermal vnd ich Hannß Christoff Raimbschissel zu Khollobrat als eheliche chonleüth, bekhennen hiemit vnuerschaidenlich für vnß vnnd all vnnsere erben vnnd thuen khund aller meniglich mit disen offnen brieff, wo der fürgebracht, gezeigt vnnd verlesen wirdt, das wir recht vnnd redlich für freÿ aigen hingeben vnnd verkhaufft haben, hingeben vnnd verkhauffen auch hiemit wissentlich vnnd in crafft des brieffs, mein obgenanter Anna Rämbschisslin dreÿ aigenthumbliche ererbte hüeben zu Na Panze in Laybacher pfar gelegen, darauff Miclau des Oßwalden sun, vnnd Mathia zu Panze seßshafft dienen baide zwen gulden Reinisch zwen vnnd vierzig kreuzer, sambfart ain fl fünffundirzig khreuzer, hüener viere, aÿer zweinzig, robath alß oft es vonetten, Jerney dient zinß zuen fl Reinisch zehen khreüzer sambfart oder ein fl fünffundvierzig khreüzer, hüener vier, aÿer zweinzig, robath. Jacob Wedenckho im Thall dient zinß dreÿ gulden vierzig khreuzer phundt gelt zuen khreüzer hüener vier, aÿer zweinzig samb fart oder ein gulden fünffundvierzig khreuzer robath. Weliche dreÿ hueben oder vnterthannen von meinen lieben vattern herrn Georg Sigmunden von Rain zum Störmall säligen weÿlendt, dem edlen vnnd ehrnuesten herrn Bartholomeen Boschen zu Vigaun irer für: dur: etc. erzherzogen Carl zu Osterreich etc. hochlöblichster gedachtnus, gewesten obristen prouiantmaister an der Windischen vnnd Chrabatischen grainizen sazwaß gegeben, vnnd jezo durch mich von wolgedachts herrn Boschen säligen suns herrn gerhaben, alß von dem wolgebornen herrn Georgen Khisel freÿherrn zum Khaltenprun vnnd Gonouiz, erblantjagermaister in Crain vnnd der Windischen March erbtruchsäß der für: grafschafft Görz, für: dur: erzherzogen Ferdinanden zue Osterreich etc. rath vnnd landtsverwesern in Crain an mich abgelöst, vnnd dann weitter vnnsern freündtlichen lieben vettern vnnd schwagern herrn Danieln Schwaben von Liechtenberg zum Tufftstain etc. vnnd allen seinen erben vmb ein summa gelts guetter grober landtswerung in Crain, weliche summa gelts wir von ime herrn Schwaben ohne abgang vnnd schaden paar vnnd bereit zugenomen vnnd empfangen, auch in vnnsern nuz vnnd frumen angewendet haben. Darauf nemen wier obgemelte dreÿ hueben oder vnterthannen sambt allen darinn vnnd darzuegehörigen gerechtikhaiten gar lediglich nichts außgenommen noch hindann gestelt andern alles hierinn begriffen, auß vnnsere vnnd vnnsere erben gwalt, nuz vnnd gewehr, vnnd vberantworten dieselben wolgedachten herrn Danieln Schwaben vnnd allen seinen erben in sein volkhomen gwalt, nuz vnnd gewehr, hiemit crafft dits brieffs, also das er vnnd alle seine erben nun hinfüro mit gedachten hüeben, vnnd vnterthanen damit handeln lassen, schaffen vnnd machen mögen, alß mit seinem andern rechten freÿ aigen guett an vnnsere vnnd vnnsere erben vnnd meniglichs von vnnsere wegen irrung hindernuß vnnd widersprechen. Darauff geloben vnnd zugesagen vnnd versprechen wier obgemelte chonleüth für vnß vnnd all vnnsere erben mehr wolgedachten herrn Schwaben vnnd alle seine erben baÿ disem khauff (ob ine iemandt mit bessern rechten dauon treiben wolt), sein rechter gewehr, schernb vnnd fürstandt zu sein, wann vnnd alß oft innen das nott beschicht, wie soliches im landts zu Crain recht vnnd gewonhait ist. Tathen wir aber oder vnnsere erben des nicht, was schaden desen oft gedachter herr Schwab oder seine erben nämen, kheinen schaden außgenommen, denselben schaden allen geloben wier ime vnnd seinen erben ganzlichen abzutragen vnnd widerzukhern, waren wir aber darinnen stumig, so sol er herr Schwab vnnd seine erben das haben, suchen vnnd bekhommen auf allen vnnsere erb haab vnd güettern, es seÿ ligendt oder farendt, inner oder ausser landts gelegen, so wir jezo haben oder hinfüro bekhomen, dauon soll ime rechten vnnd gewehren der landtsfürst in Crain, sein landtshaubtman, landtsverweser vnnd ein jede obrighait, darundter solich vnnsere haab vnnd guett betretten wirt, biß auff den letzten pfening haubt sumen vnnd aller schaden. So will ich mich auch obgedachte Anna Rämbschisslin aller vnnd jedlicher weiblichen gnaden rechten vnnd freÿhayten sonderlich auch der Velleÿanischen constitution, damit das weiblich geschlecht begabt vnnd befreudt, deren ich ein lautters wissen empfangen baÿ disem verkhauff hiemit ganzlichen vnnd gar verzigen vnnd begeben, haben, auch mich derselben baÿ meinen weiblichen threwen ohn aines geschworner aÿd statt

von geistlichen vnnd noch weltlichen gerichtten vnnd rechten nicht gebrauchen noch jemandt von meinewegen zu thun verschaffen noch gestatten, alles bay verbindung des all gemainen landtschadenpunts des fürstenthumbs Crain, alß wann der mit allen seinen cleüßlein, pincten vnnd articlen nach lengs hierinn geschriben stunde trewlich vnnd ohn alles gefärde. Des zu wahren vnnd vessten vrkhundt haben wier obgedachte chonleüth disen khauffbrieff mit vnnsern aignen handtschriffthen vnnd angebornen pedtschaffthen verfertigt, vnnd zue merer bekhrefftigung vnnd gezeügnus dises meines frey ererbten aignen verkhaufften guetts, mit sondern vleiß erbeten die edlen gestrengen vnnd ehrnuesten herrn Franzen Georgen von Oberwurg zum Ratlßegk vnnd herrn Hannsen Artter, das sy neben vnnsers disem khauffbrieff mit ihren handtschriffthen vnnd pedtschaffthen verfertigt haben, doch den herrnen iren erben vnnd fertigung ohnne allen nachtel vnnd schaden. Beschehen zue Laybach, den ersten juny, nach Christi vnnsers lieben herrn vnnd säligmachers geburt im aintausendt fünffhundert vnnd im sibendundneüzigsten jar.

Anna Raimschisslin geborne von Rain

Hannß Cristoff Raimschissl von Schönneckh zum Khollobrath

Hanns Artter, (...)

Štirje viseči pečati na pergamentnih trakovih: 1) okrogel grbovni pečat v rdečem vosku; napis: VARGR. — 2) okrogel grbovni pečat v rdečem vosku; napis: HR. — 3) okrogel (grbovni?) pečat v rdečem vosku (zabrisan!). — 4) okrogel grbovni pečat v rdečem vosku; brez napisa.

#### 4.

*Ljubljanski župan Janez Sonce proda petino svoje žitne desetine od navedenih 17 hub v moravski fari, ki so sicer fevd gospodov Gallov, vdovi Katarini Schwab, rojeni Semenič, ki sicer že ima ostale štiri petine omenjene žitne desetine.*

**1610 junij 22, Ljubljana**

*Orig. perg. (521 × 273 + 52 mm) v GAT.*

*Dorz. not.:* Khauff brieff<sup>c</sup> von siebenzehen hüben den 5<sup>ten</sup> theil betrefend A<sup>o</sup> 22<sup>ten</sup> juny 1610 Hannsen Sonzä ainen traidtzeht ausgehendt.

*Arh. sign.:* N<sup>o</sup> 12 (prečrtano). — N 25 (prečrtano). — N<sup>o</sup> 35 (prečrtano). — N 98.

Ich Hanns Sonze, der zeit bürgermaister der fürstlichen häubtstatt Laybach, bekhenn hiemit für mich vnnd alle meine erben, mit disem brieff aller menigkhlich, denen er zuuernemen fürkhumbt, das ich ganz, wolbedachtlich vnnd frey willkhürlich, auch da ich soliches ohne menigkhliches irrung zuethuen befuegt geloest, meinen eigenthumblichen zehendt von sibenzehen hüeben, so von dem nammen vnnd stammen, der herren Gallen zue Ruedolfseckh zue lehen rüert vnnd vermüg der deßwegen hieuer gefertigten lehensbrieff, zu Püchel ein hueben, zue Tufftstain fünff hüeben, zue Oberfeldt vier hüeben, zue Volscheuckh ein hueben, am Thall drej hüeben, am Ort zwo hüeben, vnnd zue Aigen ein hueben, alles in Mareitscher pfarr, vnnd Ober Steiner landtgericht gelegen, des fünfften theil aller zehendtlichen rechten dauon zunemmen aber der edlen vnd thugendthafften frawen Katharinen Schwabin gebornen Semenitschin wittiben (weliche hieuer vier theil des zehendts zunemmen hat) anzaigen nach zu Püchel zwo hüeben, darauff der zeit Primus Verbania, Loure vnnd Hansche Archeckh, vnnd Marco Khueß sizen, zue Rudnickh ein hueben, darauff der zeit Thomas, Pangraz vnnd Gregor Vecha sizen, zue Tufftstain zwo hüeben, darauff der zeit Primus Achper, Gregor Jerne vnnd Andre Mackhouiz gebrüeder sizen, zue Oberfeldt vier hüeben, darauff der zeit Jacob Khruschnickh, Gregor Wrettelitsch, Mathiasch vnnd Matheusch Leschar gebrüeder, Markho vnnd Gregor Leschar sizen, zu Stegna ein hueben, darauff der zeit Vustin vnnd Markhusch Arehegkh gebrüeder sizen, zue Vlscheueckh ein hueben, darauff der zeit Lucasch vnnd Jurgulle Archeckh gebrüeder sizen, zue Loze ein hueben, darauff der zeit Adam Jamscheckh sizen, zue Goriza zwo hüeben, darauff der zeit Matheusch Messar vnnd Gregor Khlander sizen, am Orth ein hueben, darauff der zeit Michel vnnd Vrbau Schuatt sizen, vnnd zue Jemeina ein hofstatt, darauff der zeit Andre Stubeza sizen, gelegen sein, in einem auffrichtigen redlichen stätten, vnnd vnwiderrüefflichen khauff, hingeben vnnd verkhaufft habe, hingibe vnnd verkhauffe auch hiemit wissendtlich in khrafft diß brieffs berüerten meinen fünfften theil des zehendts, gedachter frawen Katharinen Schwabin wittiben vnnd allen iren erben, vmb ein

<sup>c</sup> Sledi prečrtana beseda vonn.

summa gelts, die sy mir par entricht vnnd bezalt hat. Darumben ich sy vnnd ire erben, auch hiemit allerdings quitt vnnd ledig zele. Vnnd habe demnach angedeyten meinen fünfften theil des zehendts, mit aller zeehendtlichen gerechtigkeit, so von alters hero darein vnnd darzue gehört, niergendt noch nichts außgenommen, oder daran vorbehalten, sambt zweyjen gefertigten alten lehensbrieffen, auß mein vnnd aller meiner erben handen gewalt, nuz vnnd gewehr genommen, vnnd mehrgedachter frauen Schwabin wittiben vnnd allen iren erben in ire hand, nuz vnnd gewehr zugestellt vnnd vberantwort, thue soliches auch hiemit wissendtlich in khrafft diß brieffs, also vnnd der gestalt, das sy fraw Schwabin vnnd ire erben nun hinfüro mit solichem fünfften theil des zehendts, als mit anderen iren eigenen lehens güetteren handeln, thuen vnnd lassen sollen vnnd mügen, nach irem wolgefallen, one mein vnnd meiner erben, auch sonst menigclchs von vnsertwegen irrung, hindernus vnd widersprechen, ich vnd meine erben, sollen vnnd wollen, auch dises khauffs obgemelter frauen Schwabin vnnd aller irer erben, rechter gewehr, schuz, schermb vnd fürstandt sein, sy in allen vnnd jeden ansprechen, wie, wo, wan, vnnd als offft die notturfft erfordert, mit den rechten vertreten vnnd verantwortten, wir soliches im herzogthumb Crain landtsgebreüchig, recht, sitt vnnd gewonheit ist. Thätten aber ich vnnd meine erben das nicht, was schaden dessen gedachte fraw Catharina Schwabin vnd alle ire erben namben kheinen schaden außgenommen, darumben dann jenen oder ihren scheinpotten, ohne alls rechtliche bewährung geglaubt werden solle, solichen schaden allen vnnd jeden gelobe ich für mich vnnd alle meine erben, inen wider abzueledigen vnnd guett zumachen. Alles bey verbindung aller meiner haab vnd güetter, ligundt vnnd fahrundt, inner oder ausser der statt Laybach vnnd landts Crain gelegen, so ich jezo haab oder khünffftig vberkhommen werde, mindert noch nicht außgenommen, auch bey verbindung des allgemeinen landtschadenpundts in Crain, als wann solicher nachlengs hierin außgefüert stüende, ganz erbar threulich vnnd ohne gefährde. Dessen zue wahrem vrkhundt hab ich disen khauffbrieff mit meiner eigenen handt vnderscriben, vnnd petschafft verfertigt, vnnd vmb mehrer gezeugnus willen mit vleiß erbetten, die edlen ehrnuesten vnnd fürnemmen herren Samueln Hasiber zue Liechteneckh, herren Georgen Pittdorffer einer er: landtschafft in Crain landt schrannen procurators, vnnd herren Stephan Mußlitsch stattschreibers der für: haubtstatt Laybach, das sy auch ire handtschrieffts vnnd petschafft fertigungen hierundter gestelt haben, jedoch inen ihren erben vnnd fertigung ohne nachtl vnnd schaden. Beschechen zue Laybach, den zweenvnndzwezigsten tag juny, nach Christy vnsers erlāsers vnnd seligmacher geburd am sechzehenhundert vnnd zehenden.

Hans Sonze mp

Samuel Hasiber mp

Georg Bittrffer mp

Stephan Muslitsch mp

- Štirje viseči pečati na pergamentnih trakovih: 1) okrogel grbovni pečat v črnem vosku; napis: HR. — 2) okrogel grbovni pečat v rdečem vosku; napis: SH. — 3) okrogel grbovni pečat v rdečem vosku; napis: GB. — 4) okrogel grbovni pečat v črnem vosku; napis: SM.

## 5.

*Volf Andrej Schwab-Lichtenberg s Tuštanja proda svojemu bratu Francu Schwab-Lichtenbergu in njegovim dedičem svojo polovico gradu Tuštanj z vsemi pritiklinami, ki jo je podedoval od svojega očeta Danijela Schwaba.*

**1620 marec 31, Tuštanj**

*Orig. perg. (442 × 279 + 17 mm) v GAT.*

*Dorz. not.:* Khauffbrieff vom herrn Wolff Andre Schwaben etc. vnnd an seinem bruedern herrn Franzen Schwaben etc. per den halben edlmans süz vnd gschloss Tufftstain betreffent. — Casper von (...) kauf prief (...) mir mein brueder Franz (...) verwechselung meines teils Obergurkh wider zuegestelt. — Tustan, zadnjega marca 1620 l.

*Arh. sign.:* N° 13 (prečrtano). — N° 23 (prečrtano). — N° 45 (prečrtano). — N° 72.

Ich Wolff Andre Schwab von Liechtenberg zum Thufftstain, bekhenne hiemit für mich vnnd alle meine erben vnnd nachkhomen, mit disem offnen brieff, allen dennen er fürkhombt, die im sehen, hören, oder lösen, das ich ganz wolbedächtlich, vnnd frey wilkhüerlich zu derzeit, da ich salliches ohne menigkhlichs irrung, hindernuß, vnd widersprechen, guetten fueg, macht vnnd gewalt gehabt, vnnd woll thuen mügen, in einem auffrichtigen, redlichen, stetten, vnnd vnwiderrüefflichen khauff, hingeben vnd verkhaufft habe,



hingibe vnd verkhauffe, auch hiemit wissentlich, vnnd in crafft diss brieffs meinen frey aigenthumblichen von meinem lieben herrn vattern herrn Danieln Schwaben etc. etc. seeligen erblich gebüerenden halben theill, edlmans süz, vnnd gschloß Tufftstain, mit aller seiner ein: vnd zuegehörung, ehren, rechten, leüthen, stukh, gült vnnd güettern, diensten, einkhomen, freyheiten, wuchne vnnd waiden zu bergkh vnnd thall, gemainen, fischwaiden, forsst, vnd behilzungen, weingartten inndert noch nichts vberall außgenommen, noch vorbehalten. Inhalt eines sub vndergesetzten dato, durch mich gefertigten vrbarÿ, allermassen ich solchen halben edlmans süz, sambt denen im vrbario begriffnen güettern, bißhero ruebig inen gehabt, possediert, genüzt, vnnd genossen. Dem edlen vnd gestrengen herrn Franzen Schwaben von Liechtenberg zum Tufftstain, als meinem freundtlichen lieben herrn bruedern, vnd allen seinen erben, vmb ein summa gelts, die ich von ime par vnnd berait, ohn allen abgang entricht vnnd bezalt worden bin, daran ich woll benüegt, auch jëzt vnnd hinfüran, woll benüegig sein soll vnnd will. Vorumben zelle vnnd sage ich mehrgemelten meinem frl: lieben herrn bruedern vnd seinen erben, oder wer solche khauffsumma quittierens notturfftig sein wierdt, hiemit allerdings frey, quit, ledig vnnd loss. Vnnd habe demnach gedachten meinem fr(eundtlich) lieben herrn bruedern obuermelten halben edlmans süz vnnd geschloss Tufftstain, sambt allen darzue gehörigen leüth, stukh, gült vnnd güetter, wie dieselben in obgemeltem vrbario einuerleibt, auss mein vnd meiner erben gewalt genommen vnd in mehrgemeltes meines herrn bruedern vnd seiner erben gewalt, nuz vnnd gewehr, mit aller gewehrschafft, hiemit wissentlich vnd in crafft dises briefs vberantworttet. Hierauf soll vnd mag mehrgemelter mein lieber herr brueder vnd seine erben mehroermelten halben edlmans süz Tufftstain, sambt allen darzue gehörigen leüth, stukh, gült vnd güettern, mit aller derselben ein: vnnd zuegehörung, von nun an, hinfüro sollches selbs innen haben, besüzen, nützen vnd genüssen, versezen, verkhauffen, vergeben vnd sonst in all andere weeg, alß mit andern seinen aignen güettern, frey handeln thuen vnd lassen, wie es im gelusst, ohne mein vnd meiner erben, auch menigkhlichs von vnserwegen, hindernuss vnd widersprechen, ich vnd meine erben wöllen auch dises khaufs sein vnd seiner erben, rechter gewehr, schuz, schermb vnd fürstandt sein, sÿ in allen vnd jeden ansprachen, wie, wo, wan vnd als offft es die notturfft erfordert, mit dem rechten vertreten vnd verantwortten, wie sollcher gewehrschafft im fürstenthumb Crain recht vnd gewohnheit ist. Thätten aber ich oder meine erben sollches nicht vnd offftgemelter mein lieber herr brueder oder seine erben, dessen einichen schaden nemmen, gar kheinen schaden aussgenommen, wie der genent darumben ime oder seinen erben scheinpotten ohn alle rechtliche bewehrung, nur auf ihr schlechtes anzeigen geglaubt worden solte, denselben schaden allen vnd jeden, gelobe, zuesage vnd versprich ich hiemit, für mich vnd alle meine erben, gänzlichen abzulegen vnd widerzukhern. Wäre aber ich oder meine erben darinen saumig, so soll vilgemelter nein frl: lieber herr brueder vnd seine erben, das haben suechen vnd bekhommen auf allen mein: vnd meiner erben haab vnd güettern, ligenden vnd fahrenden, in: vnd ausser landts gelegen, so ich jëzo hab oder noch khünfftig vberkhommen mechte, gar ledigkhlich nichts ausgenommen. Daruon solle sÿ auch richten vnd gewehren ihr Röm: kaj: may: als landtsfürst in Crain vnd deroselb nachgesezte landtsobrigkheit, darzue ein yede herrschafft vnd gericht, darundter sÿ mein haab vnd guett betretten vnd darauf zeigen, vntz so lang, biss sÿ haubtguetts vnd aller schaden völig<sup>d</sup> gnüegt vnd bezalt seÿen: jëdoch da vber khurz oder lang mehr offftgemelter mein lieber herr brueder oder seine erben mehrgemelten halben edlmans süz Tufftstain, sambt denen darzue gehörigen güettern ferner hingeben vnd verkhauffen wollen, so sollen sÿ sollches mir vnd meinen erben vorhero antragen vnd vor einem andern in kauff, wie man sich dessen vergleichen mochte, eruolgen lassen, alles erbar threulich vnd ohne gefährde. Des zu wahren vrkhundt hab ich disem khauffbrieff mit meinem anhangenden pedtschafft vnd aigner handschriftt gefertigt vnd vmb mehrer gezeugnuß der sachen, mit sonderm fleiß gepetten vnd erbetten, die edlen vnd gestrengen herrn Anthoni Petschouitsch zu Landtspreiß vnd herrn Hannß Sigmunden Semenitsch zu Siemitsch, das sÿ neben meiner fertigung auch ire insigl hieran angehangen, vnd disen khauffbrieff vndterschriben haben (doch inen herrn vnd iren erben in alweeg ohne nachtl vnnd schaden). Beschechen zu Tufftstain, den lezten tag martÿ, im sechshundertten vnd zwainzigisten jar.

Wolff Andre Schwab mp

Anthoni Petschouitsch mp

Sigmund Semenitsch mp

Trije viseči pečati na pergamentnih trakovih: 1) okrogel pečat v rdečem vosku v leseni čaši; zabrisan. — 2) okrogel grbovni pečat v rdečem vosku v leseni čaši; napis: AP ZL. — 3) okrogel grbovni pečat v rdečem vosku; napis: HSSZSVG.

<sup>d</sup> Za besedo je prečrtana črka v.

## 6.

*Gotfrid Gall z Rožeka in Višenj proda Francu Schwab-Lichtenbergu s Tuštanja svoji dve hubi z vsemi pritiklinami v vasi Vrhpolje.*

**1621 maj 25, Višnje**

*Orig. perg. (416 × 272 + 60 mm) v GAT.*

*Dorz. not.:* Kauff prief vmb zwo hueben von herren Gottfriden Gallen.

*Arb. sign.:* N 36 (prečrtano). — 103.

Ich Gottfridt Gall zum Ruedolphsegg vnnd Weixlbach bekhenne hiemit für mich vnnd alle meine erben, offendtlich gegen aller menigelich, wembe diser brüeff zuuerlesen fürgebracht wirdet, das ich zu der zeit, da ich solches zuthuen gueten fueg, recht vnd macht gehabt, aufrichtig, redlich vnnd wolbedächtlich in ainem stätten ewigen vnnd vnwiderrueflichen khauff, hingeben vnnd verkhaufft habe, hingibe vnnd verkhauffe auch hiemit wissentlich vnnd in crafft dits brüeffs, meine zwo aigenthumbliche hüeben, so im dorf Oberfeldt in St. Mareytscher pfarr gelegen, auf deren ainer Matthiaß vnd Mattheuß die Uschar gebrüeder sizen vnnd jährlich daruon in zinß vnnd steyer acht gulden Rheinisch vierzig khreüzer, herrn anforderung ain gulden, item ain star habern oder dafür ainen gulden vnnd für ain weinfarth ain gulden zwainzig khreüzer raichen, der anndern aber Markho Urschitsch vnnd Primosch Rapippan wohnt vnnd auch järlichen für zinß vnnd steur acht gulden Rheinisch vierzig khreüzer, herrn anschlag ain gulden, ain star habern oder dafür ain gulden vnnd per ain weinfarth ain gulden zwainzig khr: neben der taglich zuuerrichten schuldigen robath, dienen, mit aller derselben ius: vnnd gerechtigkeiten, ein vnnd zuegehörungen. Item ain vnnd ausfarten, rain, stain, pidmarchen, wun vnnd waid, holz vnnd bluembesuech, so vonn alters heer darzue gehört vnnd allermassen ichs vnnd meine vorforder jederzeit rhuebig possediert, inengehabt vnnd genossen, niendert noch nichts ausgenomben noch vorbehalten. Dem edlen gestrenngen herrn Franzen Schwaben vonn Liechtenberg zum Tufftstain vnnd allen seinen erben, vmb ein nambhaffte summa gelts, deren ich vnnd meine erben vonn ime herrn Schwaben vnnd allen seinen erben, zu vnnsern content völlig befridigt vnnd bezalt worden sein. Darauf habe ich anfangs ernanter Gall obervermelte zwo hüeben, mit allen derselben diensten, gerechtigkeiten ein vnnd zuegehörungen lediglichen nichts ausgenomben, aus mein vnnd aller meiner erben gwalt, nuz vnnd gewehr genomben vnnd gedachten herrn Schwaben auch allen seinen erben in ihren würkhlichen gewalt, nuzen, gewehr vnnd possess vbergeben vnnd eingeanntwort, also vnnd der gestalt, das nunmehr er herr Schwab vnnd alle seine erben ernente zwo hüeben mit allen vnd jeden freyheiten, gewonheiten, recht vnnd gerechtigkeiten nichts ausgenomben inen haben, nuzen vnnd genüessen, darmit ihres aigens gefallens mit verkhauffen, vertauschen, verschenkhen, verthuen, verfahren, thuen vnnd lassen mügen, als mit andern ihren eroberten frey aigenthumblichen güetern, ohne mein vnnd meiner erben, auch sonst menigelichs vonn meinnetwegen eintrag, hindernus vnnd widersprechen. Gelobe, zuesage vnnd versprüche auch hierauff für mich vnnd alle meine erben, ihne herrn Schwaben vnnd alle seine erben bey solchen erkhaufften zween hüeben vnnd derselben vonn alters heergebrachten gerechtigkeiten, vor aller clag vnnd ansprach auch den etwa vnuerhafft entstehennenden vnnd nembenden schaden, wie der immer sein mag zu sein threulich hanndt zu haben, zu schützen, zu schurmen, zu gewehren vnnd in allen rechten zu uertretten, wie, wo, wan vnnd so offt es noth thuet vnnd solches in disen fürssthumb Crain gewehrns recht, sitt vnnd gewonheit ist. Alles threulich vnnd ohn geferde. Beyverbindung des algemainen lanntschadenpuncts in Crain, als wann derselb mit allen seinen puncten, cleüsuln vnnd articuln nachvngs hierinn geschriben vnnd begriffen stuende. Des zu wahren vrkhundt hab ich disen khauffbrüeff mit meiner aigner hanndt vnndterschriben vnnd angebornnen pedtschafft verfertigt vnnd becrefftigt. Beschechen zu Weixlbach, den fünffvnndzwainzigisten may, des sechzehenhundert ainvnndzwainzigisten jahrs.

G Gall ZR mp

En viseč pečat na pergamentnem traku: okrogel grbovni pečat v rdečem vosku v leseni čaši; napis: GG ZR.

## 7.

*Baronica Elizabeta Barbo, rojena Egkh, kot varuhinja otrok, ki jih je imela s pokojnim možem baronom Jurijem Maksimilijanom Barbom, proda baronu Francu Bernardu Lichtenbergu s Tuštanja, Ortneka in Otenštajna žitno desetino, ki sodi pod Tuštanj.*

**1660 maj 31, Ljubljana**

*Orig. perg.* (645 × 316 + 80 mm) v GAT.

*Dorz. not.:* Khauff brieff des zehendt zu Owertuffstein von der frauen Elisabeth Barbin am traidt zehend betreffent.

*Arh. sign.:* N° 4 (prečrtano). — N° 42 (prečrtano). — N° 76.

Ich Elisabeth Bärbin freyin, ein gebornne von Egkh freyin wittib, als noth gerhabin meiner mit weillundt herrn Geörg Maximilian Barbo freyherrn etc. see: ehelich erzeugten khinder, bekhenne hiemit für mich vnnd alle meine erben, öffentlich mit disem brieff vnd thue khundt menigeklichen, daß ich ganz wolbedachtlich, freywilkhürlich zu der zeit, da ich soliches ohne menigeliches irrung, hindernuß vnd widersprechen zuthuen, guetten fueg, recht, macht vnd gwaldt gehabt vnd wollthuen mögen in ainem aufrichtigen redlichen vnnd vnwiderruefflichen khauff hingeben vnd verkhaufft habe, hingibe vnd verkhauffe, auch hiemit wissentlich, den von zue vnd bey Tufftstain auch zu Podtkhreüz angehörig gelegenen vnd fahlenden thraidtzechendt nichts daruon außgenomben oder vorbehalten, dem wolgeborenen herrn herrn Franz Bernharden freyherrn von Liechtenberg herrn auff Tufftstain, Orttenegkh vnd Ottenstain etc. vnd allen seinen erben vmb ain summa gelts, dern ich von ihme herrn paar vnd beraith zu einen sichern handen vergnüegt vnd bezalt worden bin. Daran ich für mich vnd alle meine erben ganz woll zufriden auch jezo vnd hinfüro von ihme herrn freyherrn von Liechtenberg etc. wolbegniet sein solle vnd welle. Darumben sag vnd zehle ich ihme herrn vnd alle seine erben oder wehr solcher khauffs summa quittierns nottürfftig sein wierdet hiemit quitt, frey, ledig vnd loß. Vnnd habe demnach obberüerten thraidt zechendt mit aller zuegehörung, auß mein vnd meiner erben handen gwaldt, nuz vnd gewehr genumben vnd wolernanten herrn freyherrn von Liechtenberg vnd allen seinen erben in dern nuz vnd gewehr mit aller gewörschafft hiemit wissentlich in crafft dits vbergeben vnd eingeworttet. Hierauff so soll vnd mag er herr freyherr von Liechtenberg vnd alle seine erben solichen zechendt von nun an selbst inen haben, nützen vnd genüessen, versezzen, verkhauffen vnd darmit in all anderweeg als mit andern aigenthumblichen güettern, handeln, thuen vnd lassen ohne mein vnd meiner erben oder sonst menigkhliches von meinetwegen irrung, hindernüs vnd widersprechen. Ich vnd meine erben sollen vnd wollen auch dises khauffs halber offtgedachtes herrn freyherrn von Liechtenberg vnd dessen erben ein rechter schermb, schuz vnd fürstandt sein, sy in allen vnd jeden ansprach vnd anforderung wie, wo, wan vnd alß oft es die nottürfft erfordert, mit den rechten vertretten vnd verantwortten, alß soliches landtsgebreüchig ist. Alles threulich vnd ohne geuährde auch bey verpindung des allgemainen landtschadenpundts in Crain. Dessen zu wahrem vrckhundert habe ich disen khauffbrüeff mit meiner aignen handtschrift vnterscriben vnd mein angebornes pedtschatt hieran gehalten. Beschehen zu Laybach, den letzten maj, anno im sechzehnhundert vnd im sechzigisten.  
Elißabeth Barbin wittib als noth gerhabin meiner Barbischen kinder

En viseč pečat na pergamentnem traku: okrogel grbovni pečat v rdečem vosku v leseni čaši; brez napisa.

## 8.

*Janez Jurij baron Lichtenberg proda svojemu bratu Francu Bernardu baronu Lichtenbergu svojo polovico gradu Tuštanj in posesti Smuk z vsemi pritiklinami, ki jih je podedoval od očeta Volfa Andreja Schwab-Lichtenberga. S prodajo se strinja tudi njegova žena Regina Uršula, rojena baronica Moscon, ki se ob tej priložnosti odpoveduje vsem zahtevam do prodane posesti.*

**1662 januar 15, Ortnek.**

*Orig. perg.* (532 × 311 + 47 mm) v GAT.

*Dorz. not.:* Kauff brieff vber daß guett Tufftstein vnd Smukh, meinem herrn bruedern h. Hannß Geörg freyh. v. Liechtenberg etc. außgehendt, so datiert den 15. januarÿ anno 1662.

*Arh. sign.:* N 40 (prečrtano). — N 19 (prečrtano). — N° 74.

Ich Hanns Georg freyherr von Liechtenberg, herr auf Tuffstein, Orttneghk vnd Ottenstein, einer löb: landt: in Crain, der landts vnd hoffrechten beysizer, wie auch geschworner zeügs commisarius in Vndter Crain etc. Bekhenne hiemit für mich vnd alle meine erben, daß ich mit wollgedachten mueth, rechten wissen vnd zur zeit, do ich soliches ohne menigkliches irung oder widersprechen zu thuen guetten fueg vnd mocht gehabt in einen stetten vnwiderruefflichen ewigen khaufft hingeben vnd verkhaufft habe dem wollgebornen herrn herrn Franz Bernhardten freyherrn von Liechtenberg, herrn auf Tuffstein, Orttneghk vnd Ottenstein, einer löb: landt: in Crain vber die in warttgelt haltunden gerüsten pferdten bestelten rüttmaistern vnd khriegs commissario in Obr Crain etc., meinem frh. geliebten herrn bruedern vnd allen seinen erben für frey erbaigen nemblichen den mir von vnsern herrn vattern weillundt herrn Wolff Andre Schwaben von Liechtenberg zum Tuffstein see: erblich angefallenen halben thaill des gschloß Tuffstein vnd des guetts Smukh mit allen darzuo gehörigen leüth, stükh, gült, zechendtern vnd güettern, rechten, gerechtigkeiten vnd herligkheiten, aigen für aigen, lechen für lechen verstanden werden, wie es von alters hero darzue gehört vnd soliches genossen worden, ganz ledigklich nichts außgenomben noch vorbehalten, vmb ein summa gelts, deren ich por (!) vnd bereith zu meinen sathen beniegen contentirt vnd zu friden gestellt worden. Hierauf nembe ich für mich vnd alle meine erben, daß obangedeite gschloß Tuffstein vnd Smukh mit den darzue gehörigen stukhen auß mein vnd meiner erben possess, nuz vnd gewehr vnd vberantwortte dieselben in ernandtes meines herrn bruedern herrn Franz Bernhardten freyherrn von Liechtenberg etc. vnd aller seiner erben ruhewige possess vnd inhabung, also vnd dergestalten, daß gedachter mein herrn brueder vnd dessen erben daß angezogene gschloß Tuffstein vnd guett Smukh mit allen darzue gehörigen gülden nun hinfüran inenhaben, nützen vnd geniessen auch mit denenselben ohne menigkhliches irung eintrag vnd widersprechen thuen, handeln vnd geniessen sollen vnd mögen, als mit andern seinen ererbten aigenthumblichen oder in anderweeg erworbenen aigenen güett, wie ihme soliches gelußt ohne mein vnd meiner erben vnd menigkhliches irung, eintrag vnd widersprechen. Gelobe darauf ich anfangs ernenter verkhauffer für mich vnd alle meine erben dikh (!) erhalten meinem herrn bruedern vnd alle seine erben bey disen kheüfflich vberlassenen gschloß Tuffstein vnd guetts Smukh, was die frey aigene gülden anlangt zu schützen vnd zu schirmen vnd in rechten zuuertreten, wie, wo, wan vnd alß offft es die noth erfordert, wie soliches in den herzogthumb Crain recht, sitt vnd gewogenheit ist. Was die vbersetzten vnd die lechen güetter aber anlangt, ist mein herr brueder vnd alle seine erben sich selbst ohne mein vnd meiner erben entgelt zu schützen vnd zu schirmen auch die lechen, wan die notturfft erfordert auf seinen vnd seiner erben vncosten zu empfangen, sich selbst fürsechen vnd vor schaden zu hüetten schuldig. Damit aber auch in vbrigen herrn khauffer bey den erkhaufften meiner vätterlichen ererbten güetter desto mehr versichert werde. Also hat mein fraw gemachl fraw Regina Vrsula, geborne freyin von Moschkhon dergestalt in disen verkhaufft gewilliget, daß sie sich aller darbey habenden praetension vnd gerechtigkeiten wissentlich vnd wollbedachtlich begeben vnd denen selben hierbey renunziert. Alles treülich vnd ohne geuörde bey verpündung des allgemeinen landtschaden punts in Crain. Zu vrkundt dessen hat sy mein fraw ehegemahlin disen khaufft brieff neben meiner herundter gestelten handschrifft vnd pedtschafft fertigung auch ihr handschrifft vnd angebornes pedtschafft hierundter gestellt. Beschechen zu Orttneghk, den 15. januarj anno 1662.

Hanß Georg frhr v. Liechtenberg

Regina Vrsula freyin von Liechtenberg, geborne freyin von Moschkhan

Dva viseča pečata na zeleni pleteni vrivci: 1) okrogel grbovni pečat v rdečem vosku v leseni čaši; napis: H G V L H A T O V O. — 2) okrogel grbovni pečat v rdečem vosku v leseni čaši; brez napisa.

## 9.

*Baronica Ana Felicita Lichtenberg, rojena Gall in bistriški samostan, ki ga zastopa prior Hugo, naredita z dovoljenjem njenega moža, barona Franca Bernarda Lichtenberga, in s posredovanjem deželnega odbornika barona Karla Valvasorja naslednjo zamenjavo: baronica prepusti samostanu svoj urad Rakitna, ki sodi pod gospostvo Zalog pri Moravčah, samostan pa preda baronici nekaj svojih posesti v Moravški dolini in doda zraven še 9.300 goldinarjev, ker je urad Rakitna vreden več. Zamenjava posesti s predajo urbarjev in plačilom vseh obveznosti naj se zgodi v Ljubljani na dan sv. Filipa in Jakoba (3. maja).*

**1682 april 10, Bistra**

*Orig. perg.* (758 × 360 + 31 mm) v GAT.

*Dorz. not.:* Tausch contract mit Freydenenthal Obertufstain betreffend. — Tausch oder wexl contract.

*Arb. sign.:* N<sup>o</sup> 17 (prečrtano). — N<sup>o</sup> 87.

Zwischen der wollgeborenen frauen Anna Felicitas freyin von Liechtenberg geborner Gallin freyin an einem: dan dem hochwürdig in gott andechtigen herrn Hugo praelathen zu Freidenthal vnd dem löb: conuent daßselbst andertheilß, ist mit consens vnd vorwißen gedachter frauen von Liechtenberg herrn ehgemahls alß des wollgeborenen herrn herrn Franz Bernhardten freyherrn von Liechtenbergs etc. (titl) vnd interposition des zu endt vndterschribenen wollgeborenen herrn herrn Carl Valuator freyherrn zu Gallenegch, herrn auf Neudorff vnd Wildenegkh, einer löb: landt: dises herzogthumbs Crain verordneten, vnd der landts vnd hofrechten beysizern etc. nachuolgender wexl oder tausch contract geschlossen vnd aufgericht worden. Erstlichen will gedachte frau von Liechtenberg freyin die vorhin nach Warttenberg gehörig geweste volgendts ihro frauen zuegetheilte gilt oder amt Rekhitna mit allen denen darzue gehörigen vndterthanen, traidtzhendt, waldungen, fischereyen, recht vnd gerechtigkeiten, allermassen soliches ihro frauen von Liechtenberg zuegetheilte vnd von deroselben oder ihren herrn ehgemahl genossen worden oder geniessen werden khunen, nichts außgenomben oder vorbehalten, jedoch aigen fir aigen, lehen für lehen wolernenten herrn praelathen zu Freidenthall vnd dem löbl. conuent daselbß fir frey vnd ganz vnansprichig hiemit in crafft dits wexlweiß dergestalt übergeben vnd vertauscht haben, daß darmit er herr praelath vnd conuenth noch belieben disponiern, handeln vnd wandln khunen vnd mögen. Hingegen vnd fürs andere überlaß er herr praelath vnd daß löb. conuent auf den alberaith erhaltenen consens seiner obrigkheit ain gewisse nach Freidenthall gehörig in Moreitscher poden ligunde gilt vermög eines vndter derselben fertigung aufgerichteten vrbars extract mit allen dessen urbars dienst, recht vnd gerechtigkeit allermassen von ihme herrn praelathen genossen worden, oder geniessen werden khunen, nichts ausgenomben oder vorbehalten, wolgedachter frauen von Liechtenberg freyin vnd ihren herrn ehgemahl zu einem widerwexl oder gegentausch hiemit fur frey aigen vnd ganz vnansprichig sogestalten, daß sie frau von Liechtenberg freyin vnd ihr herr ehgemahl fur sich vnd ihre erben damit ingleichen alß mit ihren anderwertigen eigenthumblichen guten noch belieben, disponiern, handeln vnd wandlen khunen vnd mögen, nit alleine sondern verstrehen auch beynebends in ansehung, daß daß amt Rekhitna vil ain mehrers wörth ist, noch zu einer aufgaab neinthausendt dreyhunderth gulden Creinerischer wehrung gar in guetter khay: gangbohero minz zu geben. Dan die bey soliherr gilt zu ersuchen habende ausstandt inhalt eines verfertigten zustellenden ausstandt register zu gedachter frauen von Liechtenberg vnd ihres herrn ehgemahls selbst beliebiger einbringung neben überliferung zwey samb Wallischen guetten wissen oder ratten wein fir frey aign zu überlassen wie nit weniger ihren eltern herrn sohn herrn Georg Gottfriden freyherrn von Liechtenberg etc. einem herrn Khlöper zu praesentiern. Drittens solle die einandtworttung beederseits gelten neben außszallung bedeitherr aufgaab vnd dafür gebender quitung abgeredtermassen vmb Philliph et Jacoby kehrrunden jahrs zu Laybach mit vorstellung beederseits vndterthanen nit allein beschehen sondern auch damahls ihnen vndterthanen die vrbars dienste zu ihrer bestattung ordenlich abgelaßen oder angezaigt werden. Viertens ist sowoll gedachte frau von Liechtenberg freyin neben ihren herrn ehgemahl über daß amt Rekhitna ihme herrn praelathen vnd conuent alß auch dagegen er herr praelath vnd conuenth ihro frauen von Liechtenberg freyin vnd ihren herrn ehgemahl über<sup>e</sup> die wexlweiß hingebende gült ein ordenlich verfertigtes vrbarl zuezustellen, vnd ein theill den andern darbey zu manuteniern auch reciproce gebreichigermassen zu schizen vnd zu schermen schuldig. Fünfftens solle besagt eingetauschte gült, mehrgedachter frauen von Liechtenberg vnd ihren herrn ehgemahl mit siben fundt vnd ein dritl herrn gilt sechs vnd ain viertl gulden ord. hueb gelt, dan drey vnd dreyßig gulden 55 k. jährlichen ord. steuer. Dem herrn praelathen vnd conuent aber daß amt Rekhitna mit vier vnd dreyßigem halb fundt herrn gilt, vnd vierzechen gulden 29 k. hueb gelt, dan ein hunderth drey vnd dreyßig gulden 26 k. ord. steuern vermitls der gegen einander zuestellender aufsandten oder wie es die noth erfordern wirdet ordentlich nit allein zuegeschriben, sondern auch die rechtigkheit bey dem amt bederseits biß ende des 1681 jahr getroffen werden. Sechstens stehet der frauen von Liechtenberg freyin vnd ihren herrn ehgemahl beuehr ihre ausstandt bey dem amt Rekhitna sambt dem daselbst habenden zuehtvich vnd zu dem vorgehabten gebey zusamen gebrachtes paugholz fir sich selbst durch die Rekhitna nach aigen belieben abzufordern. Alles vereillich vnd ohne gestöhrde auch bey verpindung des landtschadenpuncts in Crein zu urkhundt dessen seindt dise instrumenten zwey gleich lautende aufgericht vnd jedentheill ain exemplar vndter beeden auch der frauen von Liechtenberg herrn ehgemahls vnd des herrn interposentens (jedoch demselben ohne nohtl vnd schaden) handschrifft vnd petschafft verfertigter zuegestellt worden. Beschehen

<sup>e</sup> *Beseda je naknadno vstavljena (nadpisana).*



zu Freidenthall, den zehenden apprill, anno einthaußendt sechshundert zwey vnd achtßigsten jachr.

Anna Fellizýtas freÿn von Liechtenberg

Franz frh. v. Liechtenberg mp

Carl Valuasor frh. mp

Hugo praelat zu Freudenthal mp für mich vnd anstatt meines conuents

Štirje viseči pečati na pergamentnih vrvciah: 1) okrogel grbovni pečat v rdečem vosku v leseni čaši; napis: (...)SGG. — 2) okrogel grbovni pečat v rdečem vosku v leseni čaši; brez napisa. — 3) okrogel prelatski pečat v rdečem vosku v leseni čaši; napis: •H•M•P•Z•F•. — 4) okrogel grbovni pečat v rdečem vosku v leseni čaši; brez napisa.

## 10.

*Karel Ignac Hasiber s Češnjic in njegova žena Jožefa Terezija, rojena Rasp, prodata Simonu Čebulu (Zebull) graščinico (dvor, güetl) v vasi Moravče z vsemi pritiklinami in ribolovno pravico na Drtijsčici med Drtijo in Sotesko, ki sodi pod "Guettenekb", Češnjice in Belnek, ter na Rači med "Pelinouiz" in Zalogom, ki sodi pod Tuštanj. Prodajna vsota znaša 4.000 goldinarjev ter še 125 goldinarjev "likofa" za Hasiberjevo.*

**1718 januar 10, Moravče**

*Orig. perg. (628 × 380 + 102 mm) v GAT.*

*Dorz. not.:* Kaufbrieff vom Moraitsch gült,<sup>f</sup> worin die fischerei benent worden ist. — *A ad Z (?)*.

Ich Carl Ignati Haßiber zum Liechtenegkh vnd ich Josepha Teresia dessen ehgemählin eine gebohrne Raspin bekhennen hiemit für vnß vnd vnser erben, daß wür mit wollbedachten mueth vngezungen vnd ohne gefährde frey aignes willens wollgehabten bedacht zu vnserm auffnehmenden besten nuzen das vns gehörige in dorff Moreitsch ligendes güetl sambt allen darzue gehörigen pauern, hoffstätter, paufeldt, wißmäther, waldungen, vichwaidt vnd die fischerey das wassers Reka von Drittey bis Soteska in dem alten graben, die mit fischerey mit Guettenekh, Liechtenekh vnd Wildenekh, dan das wasser Rättscha von Pelinouiz bis Sallach mit dem guett Tuffstain vnd sunst alle zu obbesagten guett Moreitsch gehörige recht vnd gerechtigkeiten, nichts daruon außnehmen noch vorbehalten, dem edl gestrengen herrn Simon Zebull vnd allen seinen erben in ein fesststätten, vnwiderruefflichen, vnableßlichen ewigen kauff: hingeben cedirrt vnd aigenthumblichen verkhaufft haben per ein summa gelts benandtlichen viertaußendt gulden landts wehrung, vnd mir anfangs gemelter Hassiberin hundert fünf vnd zwainzig gulden teütscher wehrung leykhauff, welche summa vnd leykhauff wür heüth vntergesezten dato paar vnnd bereith empfangen vnd zu vnsern erben wollwissenden nuzen würkhlichen appliciert vnnd angewendt haben, vbergeben, cediren vnnd verkhauffen es hiemit vnnd in crafft dits brüeffs in den aller best vnd cräfttigist vnd in rechten wollgegründtisten formb vnd weiss solcher gestalt, daß wollermelter herr Zebull vnd alle seine erben angeregtes güetl Moreitsch sambt allen an vnd zuegehör recht vnnd gerechtigkeit nihgents nichts außgenohmen noch vorbehalten allermassen wür solches genossen oder genüessen können ohne einichen stritt, irrung oder hindernus aigenthumblichen possessediren, nuzen, genüessen vnnd darmit alß mit andern seinen frey aigenthumblichen güettern völlig aigenthumblichen gewahrs zu disponiren dasselbe dem beliebten nach zu uerhandlen, zu uergeben, zu uerkauffen oder zu uertauschen befuegt seyn solle, daruor wür anfangs gemelte conleüth vnnd vnser erben ainiches reuocandum oder retractandum dienstliches beneficium, statut oder exception, wie die immer erfunden, erdacht oder attentiert werden möchte mit nichte schützen, schürmben nach endtbunden mag vnd kan vnnd nemben hierauff mehr ermelted güetl sambt allen an vnd zuegehör, wie wür solches oder vnser antecessores genossen auß vnser vnd vnserer erben bißanhero gehabt in habung, nuz vnd gewehr vnnd vbergeben es mehrersagten herrn Zebull vnnd seinen erben mit der von einer löblichen landtschafft jährlich auf sibenzehen gulden, sibzehen kreüzer drey pfening belegten steuer vnnd vier gulden fünf vnd zwainzig kreüzer ain pfening herren gült vnnd ain gulden acht vnd funffzig kreüzer huebgelt. Dessentwegen wür solche an ihme herrn mit hineingebung einer ordentlichen auffßandt vmbschreiben zulassen schuldig in sein frey aigenthumbliche inhabung, nuz vnnd gewehr solcher gestalt, daß wür ihne herrn vnnd seine erben vor aller ansprach wie die immer durch vnß, vnßere erben oder jemandt andern vnserwegen mit oder ohne recht in oder ausser gerichtß fürgenohmen

<sup>f</sup> Sledi prečrtana beseda wovon.

gesuecht oder geandt werden möchte, theülichen zu schizen, zu schremben vnnd so die nott erfordern mechte bey allen instanzen, gericht vnnd obrigkeiten in rechten zu uertretten ohne schaden zu halten verbunden vnnd verobligiert seyn sollen. In(?)massen wür vnß zu solichen ende vnnd zu vessthaltung dises kauffs contracts aller exceptionen, restitutionen, laesionen oder in den suo modo competirenden freyheiten vnnd priuilegien alß senat: consult: velleani, authenticae, siqua mulier, Epistolae d. Adriani prioritatis vel hypothecae auch aller andern rechten beneficien priuilegien, kayserlich: vnnd landts obrigkeitlichen einstellungen feri ordinary vnnd quocumque modo andern ersunlichen außsichten hiemit in totum renunciert vnnd begeben haben. Bey dem landschadenpunct in Crain zu vrkundt dessen ist nebst vnßer anfangs gemelten conleüth: auch des vnterschribenen herrn anweyßers aigne fertigung. Datum Mareitsch, den zechenten monats tag january, im ain taußendt siben hundert vnnd achtzechenten jahr. Josefa Theresia Hasiberin ein gebohrne Raspin. Carl Ygnatij Hasiber m.p.

Trije viseči pečati na pergamentnih trakovih: 1) okrogel pečat v rdečem vosku v leseni čaši; zabrisan. — 2) okrogel pečat v rdečem vosku v leseni čaši; zabrisan. — 3) okrogel pečat v rdečem vosku v leseni čaši; zabrisan.

#### Pečati<sup>4</sup>



Janez Jožef Egkh, 1547 (1).



Janez Artter, 1577 (2/1).



Adam Moscon, 1577 (2/2).



Ana (Raumbeschüssel) Rain, 1597 (3/1).

<sup>4</sup> Podnapisi k slikam pečatov so sestavljeni iz imena pečatnika, letnice izstavitve ter dveh števil v oklepaju, od katerih prva, odebeljena, označuje zaporedno številko listine, druga, neodebeljena, pa zaporedno številko pečata na listini.







Janez Krištof Raumbščüssel, 1597 (3/2).



Franc Jurij Oberburg, 1597 (3/4).



Janez Sonce, 1610 (4/1).



Samuel Hasiber, 1610 (4/2).




Jurij Pittdorffer, 1610 (4/3).



Štefan Muslič, 1610 (4/4).



Anton Pečovič, 1620 (5/2).



Žiga Semenič, 1620 (5/3).



Gotfrid Gall, 1621 (6).



Janez Jurij Lichtenberg, 1662 (8/1).



Hugo, prelat iz Bistre, 1682 (9/3).



Karel Valvasor, 1682 (9/4).





---

## Z U S A M M E N F A S S U N G

---

### Die Urkunden im Tuffsteiner Schlossarchiv

Schloss Tuffstein (Tuštanj) verwahrt in seinem Archiv noch immer verschiedenartiges Archivmaterial. Darunter befinden sich 10 Pergamenturkunden aus dem Zeitabschnitt 1547–1718. Sie beziehen sich vor allem auf Besitz- und Rechtsgeschäfte, die auf die eine oder andere Weise mit der Herrschaft Tuffstein in Zusammenhang stehen.

10 Pergamenturkunden, die im Holzregal der Kredenz verwahrt werden, sind sehr gut erhalten

(ohne mechanische (Nagetiere) oder durch Feuchtigkeit verursachte Beschädigungen).

Die Tuffsteiner Urkunden sind nicht nur wegen ihres Inhalts, sondern auch wegen ihrer Aussteller von Interesse. Unter ihnen befanden sich sowohl Adelige (die Lichtenberg, Barbo, Egkh, Raumbchüssel, Rasp), als auch Laibacher Bürger (der Laibacher Bürgermeister Hans Sonce, Hans Artter) und die Kartause Freudental (Bistra). Zwei Aussteller waren Frauen (Barbara, Witwe Jakob Schaldermanns, und Elisabetha Baronin von Barbo, geb. Baronin von Egkh). Im Beitrag sind alle Urkunden nach modernen diplomatischen Prinzipien transkribiert und mit kurzen slowenischen Regesten versehen.